

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za boračko-invalidsku i socijalnu zaštitu, stambene poslove i društvene djelatnosti

Broj: 07-45-7920/21

Zenica: 19.05.2021. godine

STRUČNA SLUŽBA GRADSKOG VIJEĆA

PREDMET: Stav Službe

**Izvještaj o radu JU Apoteka „Zdravlje“ Zenica za 2020.godinu
- dostavlja se**

U ime osnivača Služba za boračko-invalidsku i socijalnu zaštitu, stambene poslove i društvene djelatnosti, razmotrila je Izvještaj o radu JU Apoteka „Zdravlje“ Zenica za 2020.godinu. Uz Izvještaj o radu razmotren je i rad Upravnog odbora, rad direktora i Plan poslovanja u 2021. godini. Nakon analize i ocjene dokumenata, Služba konstatuje:

- Javna ustanova Apoteka „Zdravlje“ Zenica organizovana je na osnovu Odluke o organizovanju Javne ustanove Apoteka „Zdravlje“ Zenica („Službene novine Općine Zenica“, br.:4/98), a koju je donijelo Vijeće Općine Zenica u skladu sa Zakonom.
- Ustanova djeluje na nivou primarne zdravstvene zaštite.
- Djelovanje Ustanove organizovano je na način da je uslugom pokriveno snabdjevanje stanovništva kako u gradskom području tako i u ruralnom području Zenice, a djeluju i na području općine Zavidovići.
- Ustanova posluje u 13 objekata, od kojih je 5 u ruralnom području, 7 u gradskom (od kojih jedna djeluje kao dežurna apoteka) i jedan objekat u Zavidovićima.
- Na osnovu Pravilnika o organizaciji i sistematizaciji poslova i radnih zadataka Ustanove zaposleno je 50 radnika od čega je 24 VSS, 20 SSS i 6 NS radnika.
- Prema izvještaju nezavisnog revizora Izvještaj o radu JU Apoteka „Zdravlje“ Zenica za period 01.01. do 31.12.2020. godine, urađen je na bazi podataka i pokazatelja te oslikava stanje u ovoj Ustanovi s aspekta njenog rada i poslovanja. Izvještaj je urađen po standardima i metodološki zadovoljava kriterije u ovoj oblasti, što je konstatovao i revizor.
Ostvareni ukupan prihod u u 2020. godini iznosi: 6.140.205 KM. Ostvareni ukupni rashodi u obračunskom periodu 2020. godini, iznose: 6.287.008 KM. Na osnovu ostvarenih prihoda i rashoda u izvještajnom periodu iskazan je gubitak u iznosu od 146.803 KM.

- Posmatrajući ostvarenje prihoda po grupama ostvarenih prihoda, može se uočiti da je povećan prihod po osnovu ručne prodaje po apotekama, te prodaje proizvoda Galenskog laboratorija zbog povećane potražnje dezinfekcionih sredstava u 2020. godini. Smanjen je prihod po osnovu realizacije esencijalne i komercijalne liste.
- Upravni odbor je razmatrao i usvojio Izvještaj o radu i finansijskom poslovanju Javne ustanove Apoteke „Zdravlje“ Zenica za 2020. godinu, ali rad direktora od strane UO nije ocjenjen.
- U posmatranom periodu u Ustanovi su djelovala dva saziva UO, jer je mandat ranije imenovanog Upravnog odbora istekao 02.08.2020. godine, a novi privremeni Upravni odbor imenovan je na 2. sjednici Gradskog vijeća održanoj dana 28.12.2020. godine, što je navedeno kao jedan od razloga za ocjenu rada direktora Ustanove.
- U sklopu plana poslovanja za 2021. godinu prevazilaženje nastalih problema i obezbjeđenje uslova za funkcionisanje ove Ustanove nalazi se u sljedećim rješenjima: novim izvorom finansiranja za razvoj Galenskog laboratorija, koja apoteka ne može sama obezbijediti; potrebom da Osnivač finansijski pomogne rad depoa u Janjčićima, Arnautima, Šerićima i Tišini koji stvaraju gubitke i rada dežurne apoteke; kontinuitetom izdavanja lijekova po esencijalnoj listi kroz povećanje učešća Zavoda zdravstvenog osiguranja ZDK u cijeni lijekova po esencijalnoj listi.

Analizirajući djelatnosti Ustanove konstatuje se da J.U. Apoteka „Zdravlje“ Zenica djeluje u kompleksnim uslovima specifičnosti pružanja zdravstvene usluge farmaceuta, gdje nastoji zadovoljiti potrebe pacijenata i korisnika usluga sa jedne strane, te osnivača sa druge strane.

J.U. Apoteka „Zdravlje“ Zenica osim što pruža kvalitetnu farmaceutsku uslugu u urbanom području, isto tako pruža usluge i u ruralnim područjima kroz rad četiri depoa, što u konačnici osim zadovoljenja društvenog značaja ostvarenja javne uloge ne dovodi do pozitivnih finansijskih rezultata. Rad ova četiri depoa prema godišnjem finansijskom pregledu prihoda i rashoda (Arnauti, Janjići, Šerići i Tišina), stvara gubitak cca. 60.000,00 KM na godišnjem nivou.

Pri Ustanovi djeluje i Galenski laboratorij u kojem se vrši proizvodnja galenskih preparata i magistralnih pripravaka prema važećim propisima Farmakopeje uz poštivanje principa i propisa dobre laboratorijske, proizvođačke i kontrolne prakse, proizvoda specifičnih samo za ovaj laboratorij.

U sklopu apoteke Mr. Weiss, nalazi se i laboratorij koji omogućava izradu magistralnih pripravaka po receptu doktora.

Javna Ustanova Apoteka „Zdravlje“ Zenica je ugovorna apoteka, koja pripada integralnom informacionom sistemu Zavoda zdravstvenog osiguranja Zeničko-dobojskog kantona.

Cijeneci sve navedeno a s obzirom na prezentirane pokazatelje Služba za boračko - invalidsku i socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU Apoteka „Zdravlje“ Zenica za 2020. godinu na razmatranje s naznakom da je za daljni razvoj apotekarske djelatnosti u okviru JU Apoteka Zdravlje Zenica od ključnog značaja prevazilaženje sadašnjih problema u pogledu adekvatnog položaja ove ustanove.

U sklopu zaduženja na realizaciji Zaključka Gradskog vijeća Zenice br. 01-45-2413/21 od 28.01.2021. godine, Služba za boračko-invalidsku i socijalnu zaštitu, stambene poslove i društvene djelatnosti je dostavila Revizorskoj komori F BiH izvještaj o reviziji finansijskih izvještaja JU Apoteka „Zdravlje“ za 2019. godinu i Izvještaj Ureda za reviziju institucija u FBiH o finansijskoj reviziji JU Apoteka „Zdravlje“ Zenica za 2019. godinu radi očitovanja o različitim stavovima u ova dva izvještaja. Na upit Službe Revizorska komora odgovorila je pismom br. 10-210329-2 od 29.03.2021. godine komore koje dostavljamo u prilogu.

PRILOZI:

1. Izvještaj o radu JU Apoteka „Zdravlje“ Zenica za 2020.godinu
2. Zaključak privremenog Upravnog odbora o usvajanju Izvještaja o radu za 2020. godinu br. 22-20/20-2-2434
3. Revizorski izvještaj za 2020. godinu
4. Očitovanje Revizorske komore F BiH br. 10-210329-2 od 29.03.2021. godine

DOSTAVLJENO:

1 x Naslov

1 x a/a

Pomoćnik Gradonačelnika

Sumea Mujkanović

